



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 46. Iniqua Matthiæ postulata

[urn:nbn:de:hbz:466:1-66444](#)

ret, ita namque utilitati dicti Regis rectius Sæcul. XV.
consuleret, quam eum duriorum in sua per- A.C.1486.
tinacia conservando. Consilia itaque Ferdi-
nando suggereret optima, ut justitiae staret,
nec novis quotidie flagitiis vetera cumularet.
Verum pia hæc Pontificis monita nequa-
quam intimius in Regis Hungari animum
penetrasse videntur.

§. XLVI.

Iniqua Matthiæ postulata.

Accessit insuper novum Papam inter & Raynald. ib.
Regem dissensionis argumentum; num. 38
quippe Matthias a summo Pontifice con- Bonfin. dec.
tenderat, ut puerum vix infantiam egræ- 4. lib. 5. in
sum, Hyppolitum scilicet Atestini Du-fin. & lib. 6.
cis Ferrariæ Filium ad Strigonensem Ar-
chiepiscopatum efferret; id cum indignum
esset, Innocentius ut ab hoc proposito
Matthiam revocaret, datis ad eum lite-
ris adhortatus est, ut potius virum me-
ritis insignem, qui Ecclesiæ Hungariæ
virtutum exemplo ceteris præluceret, ac
promovendæ animarum saluti idoneus
esset, designare velit. Destitit quidem
Hungariæ Rex indignas urgere preces:
est hujus repulsæ vindictam in Archi-
episcopum Colocensem effudit, quem in
vincula conjici jussit. Papa indignitate
facti graviter commotus, Matthiam da-
ta epistola admonuit, ut Antistitem in

Sæcul. XV. libertatem affereret, & si ab eo Iæsus es-
A. C. 1485. set, animi sui magnitudinem, quam to-
ties egregiis clementiae exemplis ostendisset, itidem erga Præfulem exhiberet:
si vero illum Iæsæ Majestatis reum severitati legum subjici vellet, illius causam
ad Apostolicum tribunal devolveret, cum nefas esset apud laicum Judicem
Archiepiscopum in judicium vocari. Hæc
Pontificis Epistola data est die sexta Mar-
tii, quæ tamen omni penitus effectu ca-
ruit.

§. XLVII.

*Hungariæ Regis bellum adversus
Imperatorem.*

Bonfin. ibid. I. 6. **H**oc anno Matthias solemnes conven-
tus Budæ celebravit, atque in iis
plures, easque saluberrimas leges condi-
dit, quibus in primis litigantium effugia-
ac litium protelationes, singularia certa-
mina, aliosque abusus tollere fatigebat;
verum potissimum eo curas intendit Matthi-
as, ut superiorem quoque Austriae sibi sub-
jiceret; hunc in finem, alio conventu Igla-
vijæ in Moravia coacto amicitiae foedus
cum Wladislao Bohemiæ Rege antea
initum confirmavit. Tum in Austriae
movit, ac triplici Hungarorum, Bohe-
morum, & Rascianorum stipatus exer-
citu, Imperatori complures, easque mu-
nitissimas urbes ademit; in Styriam etiam
irru-